

瑜伽師地論義演卷第十九

大安國寺沙門

清素

述

解論四十八半已下

論又即於此至及與成滿 演曰六劫數分限門分之為
二辯經時分二辯超差別初中復二各別分別二
惣料揀之初文又二別明劫數二惣明時分此初也
謂諸住中各經多劫方乃成就故名成滿言大劫者火
水風等三大劫也形飢饉等而得大名 論然一切住至
方得圓滿 演曰二惣明時分文分為二初惣標舉後
別釋之此惣標舉除初種姓餘之十一經三大劫方得成

滿論謂經第一至勤精進者 演曰後別釋中文復
了二先明第一次明 二後辯第三初有三節先明起住

立下 能起進時

中關十四行

刀等劫經伊

威儀非大劫外別修定等不同小宗故不違也 論若
正修行至無數大劫 演曰二辯起差別文中有二超
及不超二類有別此初也超刀兵等三名為中劫望於
晝夜月時年等以得中名水火風等名為大劫為對

飢饉等故得大名問三祇劫內何處起超答或初或遇
後緣即超時無定故若在初劫勇猛不猛有差別故得
有超劫及超義後二大劫位齊力進既無勝劣超義亦
無故次前云此就常勤非不勤者得淨意樂決定勇猛
勤精進故若劫滿後修相好時遇緣不同得有超義故
俱舍云值弗沙佛超過九劫涅槃復云超十二劫三僧
企耶定無超也 論又由如是至所有嚴重 演曰七離
障差別門文分為二初標後釋此標也 論於三住中
至所有嚴重 演曰後釋之中文分為二先明二障後
辯資糧初中有二明煩惱二辯所知初中又二先標

後辯此初也言三住者謂即極喜無相成滿如次斷除分別俱生及障種也 論謂於極喜至皆悉永斷

演曰後辯之中文分三段一歡喜住二無相住三成滿住初中有二斷應重二斷現行此初也歡喜住中能斷惡趣煩惱種盡名斷應重應重即種及習氣名也謂由分別感生惡趣今登極喜分別盡除惡趣不生名悉永斷種及習氣皆悉除也 論一切上中至皆不現行演曰二斷現行修惑也上中二品伏而不行下性微細次無相中方始明也 論於無加行至皆不現前演曰二無相住文中有二初明應重後辯現行謂斷習

氣名魚重除 論於最上至入如來住 演曰三成滿
住習氣謂魚重隨眠謂種子現惑先無故不言矣謂
金剛心時種習俱盡剎那無間便為佛陀一切智心悉

王仍用此諸筆演卷第十九 第三張 孟字號

皆成就 論當知一切至在實魚重 演曰二辯所知
文分為二初惣標列後別解之此初也據斷淺深先
後次第有三種別 論當知此中至極清淨智 演曰
後別解中文有三節言魚重者通種習也初地所斷分
別法執相狀魚故名皮魚重八地所斷法執漸微名膚
魚重成滿住中所斷法執種習俱細名肉魚重問何

故煩惱不言在皮等答煩惱有品以三品言之今此障不然故以在皮等言也 論於三住中至修斷資糧

演曰後辯資糧三住正斷三住之外是斷資糧相從亦名斷二障也如解行住是極喜資糧初地已上無相資糧八地已去成滿資糧思可知矣 論即於如是至究竟清淨 演曰八具衆清淨門文中有二標及釋也釋有十一六七八住俱慧增上故合為一所以清淨但有十一餘文可知 論如前菩薩至十三住攝 演曰九八法相攝門文分為二初標後攝此初也言八法者前四十六功德品明今略引云一菩薩藏教二真實義教三大威

力教四於上所說如理聽聞五如理思惟為先趣勝意
樂六趣勝意樂為先入修行相七入修行相為先修果
成滿八修果成滿究竟出離 論謂於第一至聽受思
惟 演曰後明相攝文有五節一以初二住攝八法中前
五種法言菩薩藏攝前三教生信勝解聽受攝彼第
四如理聽聞思惟攝彼第五如理思惟 論第三住中至
勝修行相 演曰二以第三住攝八法中第六一分趣勝
意樂為先以初地中初得無相趣向無相之前行故得
一分 論於餘一切至得修廣大 演曰三以第四住至第
九住攝八法中第六一分入修行相以二地至七地此修

廣大非如初地得名前行 論於上三種至修果成滿

瑜伽師地論義演卷第十九 第四 張 孟字号

演曰四以第十住至十二住攝八法中第七入修行相
為先修果成滿 論如來住中至究竟出離 演曰

五以第十三住攝八法中第八修果成滿究竟出離

論當知菩薩至類聲聞住 演曰十聲聞義類門文

中有二先標後辯此先標舉前十二住可類聲聞修習

同也 論如諸聲聞至初住亦尔 演曰後辯之中文

分為十一種姓住聲聞雖有自之種姓未發心前名種

姓住菩薩亦尔故以類之 論如諸聲聞至二住亦尔

演曰二加行住聲聞發心趣入見道起七方便名加行
住菩薩趣於正性位前勝解作意以為加行加行義
同名為亦尔 論如諸聲聞至三住亦尔 演曰三離生
住聲聞離生在於見道菩薩喜住亦見道中見道義
同故相類也 論如諸聲聞至四住亦尔 演曰四增上
戒住得初果後將斷修惑方便見道中前起勝進道
名增上戒住以戒定慧三學行中戒行最初功德依
此勝進道將斷上漏初發是蒙名增上住修惑斷在
見漏之上名上漏也菩薩亦尔得見道後聖戒轉增說
名戒住 論如諸聲聞至五住亦尔 演曰五心學住因

戒發定戒俱是定斷欲惑中方便道也菩薩五住因戒
起定義亦同也 論如諸聲聞至八住亦尔 演曰六慧
學住正斷煩惱實在於慧欲惑九品分三聚斷所以
菩薩六七八住同小慧住有三慧也 論如諸聲聞至
九住亦尔 演曰七加行住言無相者無色定也離色相
故名爲無相四禪並是無色前導俱名加行故第九住
引於無相義同彼住名爲亦尔 論如諸聲聞至十住
亦尔 演曰八無相住無相住四無色定而已具得名
爲成滿然非想地惑猶未斷不得出名故第十住住

運無相同彼成滿名亦尔也 論如諸聲聞至二住亦
尔 演曰九解脫住如諸聲聞從此非想得出離已便
證離繫擇滅無為名入解脫處十一住中菩薩亦尔
先離有頂微細惑已方能證入解脫無為名亦尔也
論如諸聲聞至三住亦尔 演曰十羅漢住羅漢自立
無生等智無不具足名具一切第十二住因德滿處而
義少同名具一切

論第三持究竟瑜伽處生品第一 演曰菩薩地中有
四瑜伽一所學法二能學人二俱是因因必有果果酬
其因因祈滿處名為究竟究竟之果而有五品生品

居先故云第一 論諸菩薩生至最後生 演曰品文

分四一標二列三釋四結此初二也 論云何菩薩除災

生 演曰三釋之中文分為五一辯除災二明隨類三

明大勢四明增上五最後生初中有三二徵二釋三惣

結之此初也 論謂諸菩薩至邪見惡行 演曰二釋

之中文分為六一除飢饉災二除疫疾災三除戰諍災

四除怨結災五息苦事災六除邪見災良藥王者為

藥樹等療治自在名藥王也 論是名略說至當知無

量 演曰三惣結之此等生身在何位耶答於餘住

中非不分得今所明者十地聖人自在勝故方曰除災

地前凡心未能自在豈能除遣除灾既尔餘生亦然
論云何菩薩至當知無量 演曰二明隨類文中有三
徵釋及結釋中有二彰生類二明同異初中有六
生傍生類二生八部類三生邪見中四生惡行中五
邪命中六生就欲中結文可知 論云何菩薩至當知
無量 演曰三明大勢文中有三謂徵釋結釋中有五
一壽量大二形色大三族姓大四自在大五富饒大略舉

瑜伽師地論義演卷第十九 第六張

五字

五種等餘大生名等諸也後結無量如文可知 論云何
菩薩至當知無量 演曰四明增上文亦為三謂徵釋

結釋中有二初標後辯辯中有十謂從初地得作輪
王乃至十地作四禪主名增上也於增勝住得受勝生
名增上生過究竟者顯超那含所居之上有妙淨土出
過三界菩薩中生名增上也此土若望本識所變猶
是有漏色界所收依意所緣諸教多說出過三界各據
一理亦無違也結文可知 論云何菩薩至當知無量
演日五最後生文復分三謂徵釋結釋中有二生剎
帝利家二生婆羅門家故有經云佛告慈氏汝婆羅
門家生我剎帝利家生我是右脇而出汝是頂上化生
我壽八十汝年六萬歲等何以然者以於清時濁時欣

勝主家及淨行家有差別故結文可知 論若諸菩薩至正等菩提 演曰四惣結也此中意取有智等者初地已去名為有智有智自在方受五生凡地業隨未能自在受生故不定不取也

攝受品第二 演曰前以為物而受五生今依五生起六攝用攝益於物名攝受品 論於一切住至最後攝受 演曰一品之中大分為二彰攝受二辯艱難初中有四一標二列三釋四結此初二也 論云何菩薩至頓普攝受 演曰三釋之中文分為六一明頓普二明增上三明攝取四辯長時五辯短時六明最後初

中有三徵二釋三惣結之謂初發心願攝皆盡名頌
普攝論云何菩薩至增上攝受 演曰二明增上
亦為三謂徵釋結釋中有二謂標及釋釋中復二明
家主二明國主明家主中有十三事一勸修善二供養無
疲三知恩報恩四順父母意五恣給衣食六不行逼切

瑜伽師地論義演卷第十九 第七張

孟字号

七堪能忍受八濟病醫藥九勸修諸善十賜殊勝物
十一善言慰喻十二不生賤想十三敬視養育明國主中
而有八事一不行黜罰二不行侵掠三勸修諸善四愛
人如子五均行惠施六不行欺誑七所言誠諦八不行

煞害及打等業結文可知 論云何菩薩至攝取攝受
演曰三明攝取文分三段初徵次釋後惣結之此初也
論謂諸菩薩至攝取攝受 演曰次釋之中文分為
二先略後廣此初也 論若廣說者至而陷逼之
演曰後廣釋中文分為四一標二列三釋四結此初
二也 論又於一切至承事供養 演曰三釋分二明
無染二明義利初文有五一其心平等二不慳正法
三不作師撻無撻要意四不希供養五不止他善善
薩於他雖不希供他若自作亦不制之何以狀著為
令福德資糧滿故若遇前人不供養時菩薩於彼亦

申供養 論若於其義至正為開顯 演曰二明義利

文分為六 一明達深義 二彰與行同 三覺悟開解 四
彰無掉動 五戒見圓滿 六修無放逸 初中有五文顯
可知 論於苦於樂至過於自事 演曰二彰與行

同文中有三一 同彼苦樂 二成彼上利 三營急過
自 論於他毀犯至不生憤發 演曰三覺悟開解

文中有七 一於犯舉非 二如理訶責 三方便濟救 四於
劣無輕五為說正法 六繫念所緣 七堪忍教授 論於
彼戒行至無動 演曰四彰無掉動 文中有四 一戒無
成劣 二不憚利養 三具悲愍心 四常無掉動 論戒見

軌則至含笑為先 演曰五戒見圓滿文有五句一戒見
圓滿二正命圓滿三舒顏平視四果實美言五先言
問評 論於諸善品至離諸懈怠 演曰六修無放逸

瑜伽師地誦義演卷第十九 第八張

五

文中有二恒常修善二不行放逸 論即以是事至
亦非變異 演曰四惣結中文復為五一結御徒衆二
自行轉高三不應常攝四不應不攝五不應變異
論是名菩薩至攝受 演曰後惣結之 論云何菩薩至
方堪淨故 演曰四辯長時文中有二先徵後釋文顯
可知 論云何菩薩至方堪淨故 演曰五辯短時文亦

為二謂徵及釋長時為下修行緣故短時為中修速
疾故 論云何菩薩至堪任淨故 演曰六明最後文
具徵釋義亦可知 論是名菩薩至若增 演曰四惣結
之 論菩薩如是至當正覺了 演曰二辯艱難文分
為二初標後辯此初標舉艱難之事有十二也 論何
等十二至遭艱難事 演曰後辯之中文分為二初
明難事後辯對治初中有三謂徵釋結釋中有十二
次第如文義思可知 論若諸菩薩至而正修行 演
曰後辯對治文中有二辯對治二彰能免此初也謂
觀如前十二種中如其所應能離艱難能對治也

論菩薩如是至自正能免 演曰二彰能免免離於
前艱難事也

論卷第四十九

地品第三 演曰是行所依階級分位名之為地為顯
是前生攝二行及後度等四行所依故在二後四行之
前明行依持說為地品 論如前所說至雜立為地
演曰一品之中大分為二別明七地二辯能所治初
文有四一標二徵三列四攝此初也 論何等為七至名
為雜地 演曰二徵三列列有七也 論前種姓住至
當廣演說 演曰四攝之中文分為二初正相攝後明

說處十三住中七地攝者第四行正行中攝得四住餘

瑜伽師地論義演卷第十九

第九 張

五字

各攝一尋之可知此地墮在第三決定者前功德品明
三決定一種姓決定有種姓者決定成佛二發心決定
謂初地中發心證已定不退故三不虛行決定八地已
去任運進修無虛廢故故此第五決定行地墮在第三
三決定中也何以然者以至八地行無退轉得決定故
論問菩薩至諸惡趣等 演曰二辯能所治文分為
二辯初地超諸惡趣二明諸地能所治相初中有二
先問後答此初也 論答是諸菩薩至菩提資糧 演

曰後答之中文分三段一辯超惡因二正超惡體三結
超分齊初文有二明修善二彰離染初中有三集
佛資糧二起悲愍意三發正願心此初依定修福及
智為佛菩提遠資糧也 論於如前說至苦異熟果
演曰二起悲愍意文中有一運悲愍心二誓居惡趣
三思代受苦言哀愍者謂慈也及悲意者謂悲也餘
文可知 論為令畢竟至心發正願 演曰三發正願心願
惡不起願善現行名正願也 論彼由修習至皆得除
遣 演曰二彰離染由前修習三善力故故能伏斷
惡趣煩惱種習不行名得除遣 論由此斷故至史

定不往 演曰二正超惡體由此見惑得永斷故不久
當得初地轉依惡趣惡業決定不生名斷體也 論
齊此菩薩至勝意樂地 演曰三結超分齊文易可
知 論如前住品至淨修治地 演曰二明諸地能所
治相文分三段一牒前生後二依生標釋三結遍修治
此初也言今於下是生後地 論如是十法至皆應了
知 演曰二依標釋文分為二一標二釋此初標舉文
有三也一能所治二明略義三明次第 論謂彼十種
至故得安立 演曰二釋之中文分三段一辯能所治

二明其略義三彰十次第初中有三一標二釋三惣結
之此標舉也 論何等為十至供養如來 演曰二釋
分二先徵後釋釋中有十一辯信對治謂一切種類
假者有情全未發心彰信未起信正起時治彼不
起名信對治二辯悲對治悲能拔苦無損物心三辯慈
對治慈能興樂無嗔恚意四明捨對治凡能捨者於
身命財皆無戀故五無倦對治由無倦故見有憐恩
及貪利者皆得除遣名無厭倦所治法也六知論對
治由善知故能治無知無善巧也七知世對治由於世間
善通達故故於僻執拘礙之裏悉得除遣名為對治

八慚愧對治於修善中放逸懈怠最為勝障慚愧體
善制惡偏增故獨舉之為勝治也九堅性對治能治怯
弱非堅性故十供養對治由供佛故於佛所疑有無福
皆悉除斷名供治法 論如是且說至安立十法 演
曰三惣結之 論云何復名至加行清淨 演曰二明略

義文中有三一徵二列三釋之 論如是十法至次第

修證 演曰三彰十次第文有三節一徵二釋三惣結

之釋中有十如文次第義思可知 論當知如是至能

淨修治 演曰三結遍修治

行品第四 演曰前明地者為所依持依衆行之

業為彰行故立以品名故名行品 論菩薩始從至
四菩薩行 演曰一品之中文分為四一標二徵三列四
釋此初標也 論何等為四至成熟有情行 演曰
二徵三列 論前說六種至蜜多行 演曰四釋之中文
分為二初惣略釋後廣分別初文復二一別明四行二
惣結之初文分四一波羅蜜行二菩提分行三運神
通行四熟有情行初文有二惣明十種二別彰四
法此初惣明十種度相為此行也 論如前所說至波
羅蜜多 演曰二別彰四法有二番釋初中復二

別指四行二顯二差別此初也此等四義並如前說
故不復論 論今於此中至二種差別 演曰二顯二差
別第六緣真第十緣俗心境既別故分二也 論復有
異門至波羅蜜多 演曰第二番釋文亦為四一善
巧波羅蜜謂無量智善巧方便所作用故二顯波羅
蜜願求後後勝妙智故三力波羅蜜摧伏魔怨制異
論故四智波羅蜜了世俗諦無真實故 論四念住等
至菩提分法行 演曰二菩提分行 論如前所說至
神通行 演曰三運神通行 論如前所說至熟有情
行 演曰四熟有情行謂由調伏方得成熟故集二

種彰成熟也 論如是四種至所行善行 演曰三愬
結釋之 論應知此中至菩提果故 演曰後廣分別
文分為二別彰諸度二愬明四作初文有三一者釋
名二彰次第三明學攝名復有二先釋後結此初也波
羅蜜多此云彼岸彼岸不同而有三種一行彼岸經三
大劫方證到故二理彼岸自性清淨殊勝難知深奧
彰名為此岸淨位方顯立彼岸名三果彼岸二乘菩
薩未名果極大乘果滿方得彼名名果彼岸 論如是
十法至波羅蜜多 演曰後結之也 論應知如是至
異熟果故 演曰二彰次第文分為四一標二徵三列

四釋此前三也 論云何如是至次第建立 演昌釋
之中文分三段一辯對治二明生起三明果體初中有
三徵二釋三惣結之釋中有二初明前六能所治後
彰後四皆前所攝問何所攝耶答後四皆智即第六
攝唯識論云後四波羅蜜皆後得攝後四既唯第六

所攝所治癡闇隨所障法亦分四也 論云何如是至
次第建立 演曰二明生起文中有三謂徵釋結釋中
有六一於財無顧施也二棄家受淨戒也三重戒能忍
忍也四受持淨戒至修加行勤也五如是修習至一境

性定也六心得定下慧也結文可知 論云何如是至次第建立 演曰三明果體文分三段一徵二釋三惣結之此初也 論謂諸菩薩至因力所作 演曰二釋文二初明施果後彰餘果此施果也 論獲得內五至第五圓滿 演曰後彰餘果文中有三一標二徵三列釋之釋中有五文顯可知 論應知是名至次第建立 演曰三惣結也 論由前四種至若過若增 演曰三明學攝文分為二先辯後結辯中分二初四戒學後定慧戒中資糧自性等者如次施戒忍及勤也結文可知 論又諸菩薩至有諸餘行 演曰二惣明四作文中

有四一標二徵三釋四結釋中有四初一所作即波羅行也二所作者菩提分也三所作者神通行也第四可知故知此四所作事者即前所說四菩薩行除此四外更無可得故不立之

建立品第五 演目前之四品雖亦明果是因勝利非佛極果望惣為因對後佛地未名果稱今建立品正明佛果為依為託起菩薩行復為義利故名建立故從所立以得品名名建立品 論依如來住至種妙智演曰一品之中大分為二建立果德二建立不共初文有三明佛衆德二辯因果別三彰成佛事初文分四二

標二列三釋四結此前二也百四十法惣十一類一丈夫
相二諸隨好三四清淨四者十力五四無畏六三念住七

瑜伽師地論義演義第九

第十三張

孟字號

三不護八者大悲九無忘失十害習氣十一妙智 論云
何如來至大丈夫相 演目三釋之中文 分為十相好合
為一覈明故於中分二先列後辯列復分二初徵列
相後列隨好此列相中三十二也璽涅耶者唐云金色
即閻浮提樹下金也佛躋纖贍色似於彼故得彼名
勢峯者謂陰莖也舊云馬陰藏也諾瞿陀者乃樹名
也其狀端圓相傳釋云無節柳樹也亦縱廣也身毛上

靡者毛端向上不下垂也揭羅頻迦者唐云妙聲鳥
或云哀怨音鳥瑟膩沙者唐云髻也頂骨湧起自然
成髻或云頂骨論云何如來至八十隨好 演日後
列隨好八十種也股者說文髀也臚謂居也齒所居
震謂之齧也腭謂根腭餘文可知 論如是諸相至
殊勝清淨 演日後辯之中文分為五二辯初得處
二明所起因三依地用別四明二廢立五相好優劣
初中有二明二果明招感初中又二一明起處二
辯餘因初中又二一明初起二明轉勝如文可知
論當知至立已成就 演日二辯餘因因明相好類

例明之非是本文正所明也 論始從清淨至及隨
好 演曰二明招感文分為二初明正感二彰遠近此
初也初地資糧行皆相似名無差別皆感異熟名正
招也 論又此一切至殊勝清淨 演曰二彰遠近文分
為二初明初得後明轉勝初中又二遠二近謂未得
相好名遠即在地前若得相好名近謂得入地已上何
以知者即次前辯入地淨勝意樂地諸相隨好已得
異熟故知地前不得實根相好又此卷下文云隨好若
在種姓地中唯有種子依身而住若在勝解行地始
能修彼能得方便若在清淨增上意樂地中乃名為

得若在諸餘上地如是相好轉勝清淨若在如來到究竟地當知相好善淨無上論又薄伽梵至素哩纒說演曰二彰所起因文分為二初舉經釋後別分別初中有五一標二徵三釋四結五指說要如大般若大集等說論謂諸菩薩至螺文右旋演曰後別分別文有二別初明衆業感相及好後彰四吾招二勝果初中有二先釋後結釋中又二初明六十三業別招相好後明淨戒通感異熟此初也先明六十三業招別相好二功能體各別也論如是一切至大丈夫相演曰後明淨戒通感異

熟相好果中文復為二初明因體後明開合此初也戒
為善本故偏明之 論當知此中至可得故 演日後
明開合餘經咸言無見頂相合三十二體即烏瑟膩沙故
三十二也 論如是且說至廣建立已 演日後惣結之也
論復次至一切相好 演日後彰四善招二勝果文分三
段初標次釋後惣結之此初也四善業者一決定修作
二委悉修作三恒常修作四無罪修作由此四業能招
相好二勝果也 論謂於此中至猶如天鼓 演日次釋
之中文分為四一決定修作感安住相二委悉修作感
輪等相三恒常修作感纖等相四無罪修作復有八

類一無損加行二次第加行三極光淨心四不依聲頌
五廻向善提六無劣加行七平等瞻視八劣善喜足
論如是四種至殊勝清淨 演曰後惣結之 論當知
如是至善淨無上 演曰三依地用別種雖本有隨在
七地修證不同有五別也 論如是諸相至大丈夫相
演曰四明二廢立文中有一初明立相後明二別此初也
不共之法雖有衆多今此但立三十二種以為妙相更
不立者略由二意一是有色故二易了知故故立為相

無忘失等心法難知故於相中而不立也 論又即如

是至說名隨好 演曰後明二別由所依身能任持故名
相今端嚴故名好 論又於此中至所攝自體 演曰
五相好優劣文有二節一彰優劣二明無量初中有二
一彰隨好二明相勝相勝分三三十三種相不如毫相二
千倍毫相不如無見頂相三無量頂相不如相外大法螺
相何以然者以能普益諸有情故問一種功德有何所
因致斯階級答能感因行勝劣不同所招果中故有善
異法螺相者梵云霜佉此翻名貝貝謂螺也其螺貝
者吹之有聲雄而且大佛聲似彼故以類之三十二中雖
有梵音哀雅等相未彰說法廣大利相故此法螺別

居外相彰勝能也 論又此能感至諸相隨好 演曰二

明無量文中有三標釋及結釋復有三一時無量二意
樂無量三品類無量文顯可知 論云何如來至清淨

演曰第二明四清淨文中有二初徵後釋此初也 論

一者一切至智清淨 演曰後釋之中文分為二先列後

釋此列四也 論云何一切至所依清淨 演曰後釋又四

一辯所依二辯所緣三明心淨四明智淨初中有三謂

徵釋結釋中所依謂身身離煩惱故名清淨於中二列

一離塵重等報身清淨二於目體等化身清淨取住等者

對法云隨所欲生即便能取既生彼已隨其所欲欲流

壽行即能留住欲捨壽行即使能捨故彰化身為清淨也論云何一切至所緣清淨演曰二辯所緣貝徵釋結釋中有三化二變三所顯現謂變化智故對法云廣說變化智具足者謂先無今有色等名化轉先已生色等今成金等名變悟一切種境相差別名智智於三境而無有滯名所緣淨所緣即淨所緣之淨二

瑜伽師地論義演卷第十九

第十六張

孟字号

釋皆得論云何一切至心清淨演曰三明心淨文中有三謂徵釋結釋中有二滅離煩惱名心清淨二積集善根名心清淨或心淨言謂定心也定能集善及滅

惡故故對法云剎那剎那能入無量三摩地差別故雖
有此理前義為本此文彼文意各別故不應齊也論
云何一切至智清淨 演曰四明智淨文亦有三謂徵
釋結釋中有二滅離無明名智清淨二智無礙轉
名為清淨智即清淨持業釋也 論云何如來十力
演曰第三明佛十力文分為二先徵後釋此初也 論一
者蒙非蒙至十力經說 演曰後釋之中文分三段一
者惣列二者別解三諸門辯此初文二列及指也
論當知此中至故名如來 演曰二別解中文分為十二
明蒙非蒙智力二明自業智力三明靜慮智力四明

根勝劣智力五明勝解智力六種種界智力七明遍趣
行智力八明宿住智力九明死生智力十明漏盡智力
初智力中文分為二一當知下至說名成就即釋經中
如來所有處非處力二最上涅槃下明自證已為物
宣說初有六句一辯如來如謂如實有三義故名曰如
來一所言實契經藏也說無我等皆真實故二所說
實調伏藏也隨諸因緣說持犯故三所宣實本母藏
也宣說諸法自性差別皆稱法故其實三名義無差
別 論淨不淨果至亦名為起 演曰二明處非處文復
為二先明其處後明非處此初也處謂處所轉猶起

也謂淨善因是生淨果所依處所故立處名亦名建立建立果故亦名為依果所託故亦名為起果所生故論淨不淨果至是名非處 演曰後明非處異論所計然馬祀天祈生天果果淨因淨義不相應說為非處

瑜伽師地論義演卷第十九 第十七張 孟字号

論遠離一切至菩提品說 演曰三明寶智由離上慢故得此名少得謂多名不如實今無此相故名寶智 論數之次第至故名第一 演曰四明次第力雖有十處力為初故名第一 論以無上故至說名為力 演曰五明力義義中有三種如文可知 論攝受如是至說名

成就 演曰六明成就義有二種如文自悉 論最上
涅槃至說名為大 演曰二明自證已為物宣說文分
為二先廣分別後略示之廣中復二初各別明後惣結
釋初有五句一名為大由佛世尊所證涅槃最無上故
說名為大 論八支聖道至名仙尊位 演曰二名仙位
論能自了知至說名自知 演曰三辯自知 論既自證已
至故名梵輪 演曰四謂梵輪文有三節標徵及釋增
謂增益語言說為梵故 論自顯墮在至正師子吼
演曰五師子吼文四故字即為四義故名師子吼由此
如來自證十力法之性已方為起說說無踈謬方名成

就論以要言之至圓滿不共 演日後惣結釋大仙
等五顯行二利二利行滿名為不共不同外道自不
證知要有所傳說為非力 論復有異門至正師子
吼 演日後略示中文分為二初標後釋釋中復二
初法後喻法中有三所應得得大仙等前三句皆
應得也二得勝方便即梵輪是梵輪是得大仙等位
勝方便故三此勝等下明師子吼前說為五今即為
三為對彼廣故為略也喻亦有二病痊除喻初句也
二除方便喻第二句也三揀邪醫喻第三句次第配
屬文理可知 論若有諸業至名為現在 演日二明

自業智力文分為二先明業體後彰其力初中復二
先廣後略廣中類別門分為八 三業異門已作未

瑜伽師地論義演卷第七

第十八張

孟字

作義類不同世分三也 論如是諸業至意業 演

日二三業分別門 論法受分別至乃至廣說 演日三

四業分別門 論又此諸業至如應當知 演日四有益

無益門義既不同四句分別一明有益謂造善業現當

俱益二明無益謂造惡業現當二世俱無益故三亦損

亦益謂於善惡二俱所作現及當來感三果故四非

損非益謂無記業現當皆無損及益也 論若所造

業至是名異熟 演曰五造業處所門若無依處業不成故六所依體事門惣殺盜等業皆依有情及非情法而方起故七為因等起門若無二根而不起故八異熟果相門果相雖同愛非愛別善惡二趣業不同故

論如是略說至及与功德 演曰後略明中義有七種一切分位攝前三四餘各攝一前八此七故為略也 論於

此一切至若過若增 演曰後彰其力文顯可知 論

有四靜慮有八解脫 演曰三明靜慮智力文分為二

先廣分別後略示之廣中又二辯所知二明其力初文復二先標後釋此初也 論即由如是至皆能成辦

演曰後釋之中文分為二一辯所知二援教證初文復二
一明定力二顯類殊此初也謂由定力所作皆成論若
隨彼彼至等至演曰二顯類殊等持差別有十一類
等至差別而有五類並如前辯論如說世尊至逆疾
能辨演曰二援教證文分為二初引教文後釋教意
此初也定光作聲說微妙法乃至梵世亦乃聞知皆
是定心隨意成也論當知知此中至若過若增演
曰後釋教意意顯可知論如來於此至等持等至
演曰二明其力靜慮為體餘為種類皆悉了知說名
為力論又若略說至及以隨眠演曰後略明中文復

為二初明知境後彰智力境中文二明染境二明
淨境染中又二未得雜染未得初定染障生故無
方便等釋染因也二已得雜染已得初定自地貪等猶
生染故論如是清淨至應知其相 演曰二明淨境文
分三段初明四淨次明建立後明清淨此初也四淨翻
前二種染法即成四淨二染各二即為四故一善巧加
行二諸善現行三離煩惱纏四離煩惱種 論又即如
是至是名建立 演曰次明建立建立諸定假名字故
論又即如是至是名清淨 演曰後明清淨得諸定

等轉勝進時無難無礙是名清淨 論如來於此至
得無上智 演曰後明智力於前深淨二類境中如實
而知名無上智智能知故即名為力 論如是所成熟至
諸根勝劣 演曰四明根勝劣智力謂三乘行人信等
不同名根勝劣智能知彼名根智力文但舉根不言力
者義同前故而不言也 論若從他信至種種勝解
演曰五明勝解智力從他信解為先隨信解故自觀
起解為先隨法行故即成三品愛樂印解即名勝解境
非一故名為種種種種境中皆生印契並名勝解智悉能
了說名為力以同前故又不言也 論若廣建立至名種

種界 演曰六明種種界智力界謂因性因性體多故云
種種於中類別分之為三四乘因性二六行染性三八
十千性佛智皆知說名為力文不集者影略知故

論若即如是至名遍趣行 演曰七遍趣行智力文分
為二初論家釋後指經廣明論自釋中有四番別一順
自趣行順趣果因名趣入門門乃是隨順正行行順
於理名為隨順如觀不淨順治貪行所對治故 論復
有異門至名遍趣行 演曰第二番釋五趣行也趣謂

瑜伽師地論義演卷第十九 第二十張 孟 号

五趣五趣行因名遍趣行依主釋也 論復有異門至

所有諸行 演曰第三番釋異見趣行謂諸沙門或
婆羅門見解趣况各各不同名異趣行 論或餘一切至
名遍趣行 演曰第四番釋無罪趣行言無罪者謂涅
槃也言趣行者涅槃因也謂衆因行或於此世或於他
世而能趣證名為趣行趣修證心說為趣故 論如迦
羅摩經等廣說 演曰二拍經廣明迦羅摩者傳有
兩釋一云名時故地持云時修多羅二云人名此無相
當故不譯也 論若於種種至宿住隨念 演曰八宿
住智力文分為二一明念境二明智力境中文四一標二
列三釋四結此初也 論何等名為至壽量差別

演曰二列之中文分為二初列八名後列六行八是能詮
名言說句六是所詮說為行也彼八此六六中壽量攝
八後三故說為略 論由諸世間至乃至廣說 演曰
二釋六八言說行也此是我名者過去曾名月光王
故此是彼名者此阿私仙是天受名也是我母者過
去我父名悅頭檀母名殊妙顏乃至飲食劫初已來
林藤地味粳米等食種種諸境所更歷蒙而不忘
失說為隨念 論唯有今所至更無有增 演曰四結
可悉 論即於此中至隨起憶念 演曰二明智力文分
為二初辯能知後引教證初中復二初明念境後明念

力言行相者即六略行也定標說者即八定說也言隨
起者即念力也由智隨念皆悉了知即為力故論
是故說言至皆能隨念演曰二引教證故經說云并
相并說皆能隨念相即行相說謂言說如次六八二種
名也論此中靜慮至名為天眼演曰九死生智力
文分為二先明智力後彰智境初文有三明天眼二明
清淨三明超過此初也由三義故定地天中得名天眼欲
界散天非得名也問明智力次何論天眼答死生智力
即六通中天眼通攝名異體同故以言也論是極圓滿

至名極清淨 演曰二明清淨謂由二義故彼定天眼
名清淨揀欲諸天不名淨也 論於其中至人中亦
無 演曰三明超過人中說無名超過也人中但有生得
肉眼無天眼故阿那律言所修得者還屬定天亦非人
業中有天眼也欲界諸天業報所生可得言有 論諸
有情類至名為生時 演曰後彰智境文分為二釋經
說生死之言二顯經說死生善惡此初也 論趣黑闇者
至名往善趣 演曰二釋經說生死善惡文復為二先
惣後別惣中類別有三對也一惡色好色對二劣色
妙色對三趣惡趣善對孺者埤蒼云胡羊也婆羅痾

斯者河名也城近此河因得名矣即此城中有鮮白
色故以中有而相類之 論所有壞戒至三種惡行
演日後別釋中文分為二一明惡行二明善報初中復
二一別釋經文二惣彰經意初中又二一明起業因二彰
受惡趣業中有二先明壞戒後明壞見此初也謂由
壞戒起三惡行名等起行 論有二邪見至謗賢聖
者 演日後明壞見文分為二一明壞見二明起業初
中有二先標後釋釋中又二一謗因果及諸聖賢二及
住彼下但謗賢聖而非因果曾得禪定謂是聖人生
相趣時謗為無也即寡聞之徒為此見故異品類者

與前壞見類有不同名異類也前見不正一切皆邪此求涅槃無證便謗故二邪見而不同也 論由邪見故至業法受因 演曰二明起業既撥餘非自生異見寂意為因定為應果無相為因無心為果或現受

瑜伽師地論義演卷第十九 第三張 孟字号

樂五現涅槃或現受苦投巖自餓或當苦受長劫輪迴未嘗免之皆邪見耳 論彼雖成就至故名身壞

演曰二彰受惡趣文分為二彰墮惡趣二釋外伏難初中有二一廣明死墮二重略辯之初有四句一明身壞五蘊和合假立為身名色既乖故名身壞 論一切死

中至故名極死 演曰二明極死凡死滅者必有所生生
於善趣可名勝死今墮惡趣名為極死 論為欲開示
至墮險惡趣 演曰三明墮趣令諸有情起於地獄怖
畏之想故經說言墮險惡趣 論為欲開示至說那落
迦 演曰四辯落迦為欲開示受罪有情故須復說那
落迦身體事名也 論由非諸行至說名為墮 演曰二
重略辯之文分三段一明為險二彰惡趣三明墮義文
顯可知 論由能發起至墮那落迦 演曰二釋外伏難
外伏難云死生之道實通五趣經何唯說墮地獄耶故
有斯荅荅意可知 論當知此中至之所顯示 演曰

二惣彰經意通結前也受前苦已復乘餘業或重再受
或於鬼畜而更受之是前苦因業流類也 論與上相
違至名樂世界 演曰二明善報善趣生死翻惡可知
論一切諸漏至無餘永斷 演曰十漏盡智力文分為二
初惣略釋後廣辯之初中有二先明智境後明智力此初
也 論逮得能治至六神通 演曰後明智力文復為二
一辯神通二明起說此初也謂由心慧二皆脫故故得第
六漏盡通也 論由依見道至諸句差別 演曰二明起
說 論廣說如後至應知其相 演曰後廣辯之如異

門分

論卷第五十

建立品第五之二

論如是別釋至今當惣辯演曰三諸門辯釋文分為

瑜伽師地論義演卷第十九 第三張 正字

二一結前起後二諸門別釋此初也 論喩陀南曰至最

為後演曰二諸門別釋文分為二先標後辯標中有二

頌及長行此頌標也 論如是所說至十力略義 演曰

後長行別舉有七相也 論云何如來十力自性 演曰

後辯之中門分為七自性門二分別門三不共門四

平等門五作業門六次第門七差別門初門分三二

徵二釋三惣結之此初徵也 論謂惣五根至十力自性

演曰二釋文二一者出體五根為性二者會違據勝說
慧三結可知 論云何如來十力分別 演曰二分別門
文分三段一徵二釋三惣結之此初也 論謂若略說至
隨悟入故 演曰二釋之中文分為二初標後釋釋中
有三時分分別二品類分別三相續分別初時分者
謂所分別言分別者謂能分別隨悟入者即能分別
達解義也次品類者所分別中有多類故名為品類
智能了之名為悟入後相續者相續謂身於多身中
皆悉了知名隨悟入 論即由如是至十力分別 演曰
三惣結之 論云何如來至十力不共 演曰三不共門

文分三段徵釋及結文顯可知 論云何如來至十力平等 演曰四平等門文亦分三謂徵釋結釋中有二一明平等二明差別言平等者諸佛同有說名平等言差別者謂諸如來或有多分安住初力證已起說或有如來別住餘力隨類化宜事各不同名差別也結文可知 論云何如來十力作業 演曰五作業門文分三段初徵次釋後總結之此初也 論謂如來至婆羅門等 演曰次釋之中十力不同文即為十一處非處業業有二種一善知因果二降伏異論 論如來所有至婆羅門等 演曰二自業智業業業亦有

二了知衆生自作自受二降伏施已無福利心謂有外
道見行施者轉生貧賤偷盜之輩常有富饒故知
惠施而無福利名移轉施如來為彼說三世業因果各
殊令使信從名降伏也 論如來所有至婆羅門等

演曰三靜慮智業業有二種一現三神變二降伏異論三
神變者一神境神變即神境通十八變等今物生信二
記心神變即他心通記說他心染淨等事今生信故三
教誠神變即漏盡通自漏盡已復為他說今使順修
無疑惑故 論如來所有至為說正法 演曰四根智力

業業中有二了知根性二應宜說法 論如來所有至
今漸捨離 演曰五勝解智業業亦為二了二勝解
二令生取捨 論如來所有至如應安立 演曰六界
智力業文分為二初惣後別惣中分二知界差別二
如根教授言隨眠者即種子名也根及種等皆是界
性差別名故 論此中如來至施設開示 演曰後別
釋中文分為二教聲聞二教菩薩此教聲聞五停
心等如前聲聞本地中辯 論云何如來至今心得住
演曰二教菩薩文分為二先問後答此初也始業等者
十信菩薩創發六心名為始業初習靜慮名為初業

論謂諸如來至諸菩薩衆 演曰後釋之中文復為二
一明所為二彰法要此初所為即初業也 論最初施
設至於內寂靜 演曰二彰法要文復分二示方便
二示等持此初也 論如理思惟至言說轉耶 演曰二
示等持文分為四一明思察二明得定三結勸修四明
利益初中復二一習二空二明攝益初文又二一觀無我
二辯法空我復分三一辯假名二求無得三悟客想此初
復二初辯立名後推假實六處有三二內六處謂內六

瑜伽師地論義海卷第十九 第五張 孟字号

根二外六處謂外六境三中間謂六識界凡所計我

依名起執故今思察我所立名為依內處為外處耶
為中間耶 論汝既如是至都無所得 演曰二求無得
於前三處推尋我體都無所得 論唯當如是至有客
想轉 演曰三悟客想都無主宰實我名也 論汝善
男子至如理思惟 演曰二辯法空又分為二結前生
後二依生示法此初也 論於汝眼中至若過若增
演曰二依生示法文中有一二正觀眼處二例辯餘根
初中復二惣標假立三依標示法此初復二名想假立
二事體假立謂此制立至假施設是名假立想假施設
皆名差別故合為一及此已下是事假立依於事體而

起名故云於事中假立名等 論於此眼中至且非
是眼 演曰二依標示法文分為二初惣後別惣中復二
一辯其名二辯其事此初也於此眼中至非是眼顯詮
眼名而非是眼此眼中者所詮眼也彰能詮名依所
詮立故言之也 論此唯有事至亦非是眼 演曰二辯
其事所詮體事非眼不眼強以名言目為眼也故知所
詮體事自性亦非是眼 論何以故 演曰後別釋中文
分為二明事假二明想假事中有三二徵二釋三惣
結之此徵意云何以體事自性之眼亦非眼耶 論非於
此中至覺轉可得 演曰二釋之也謂依眼名起生眼

解不依自性而起解心故知自性亦非是眼若有體事
稱名所詮不應待名方有眼想即應自性不假聞名
生眼解想既不待名覺轉可得故知自性所詮體事
亦非是眼 論是故此中至眼假施設 演曰三惣結之
唯有客名施設可得實眼體事亦不有之 論汝既如是
至當生當得 演曰二明想假一如其名唯假施設離假設
外亦無眼體是實有也 論如於其眼至當生當得 演
曰二例辯餘根作法准前尋之可解 論如是汝於至
多修習住 演曰二明攝益 論汝若如是至心一境性

演曰二明得定心一境性等持定也 論如是汝等至
勿當捨離 演曰三結勸修文中有五一習五停二修
八定三修神變四習等持五修等至 論汝若至究竟
出離 演曰四明利益文分為二初明菩薩後辯聲聞
初文分三三明勝利二結正行三引證成此初也 論當
知是名至遍趣正行 演曰二結正行問明界作業
何故乃結遍趣行耶答由界智力知物體性故隨物性
以教其行名遍趣行非結第七遍趣智力名遍趣也
論過去如來至如是教授 演曰三引證成引諸佛說
證成自義 論諸聲聞等至諸法現觀 演曰後辯

聲聞文復為二得通慧二得現觀謂諸聲聞及緣
覺衆於此作意勤能修習亦能速證神通智慧及
現觀故 論如來所有至能出離行 演曰七遍趣智
業文中有二知世出不出二彰能捨離謂能了知無
漏出離有漏不出故教出離捨非出離名遍智業
論如來所有至婆羅門等 演曰八宿住智業文分為
二初明宣說後伏常論初中有二知本事他身及法
二知本生謂自身事知自及他我先業有明非神我
常性等生 論如來所有死生至婆羅門等 演曰九
死生智業文中有二記當生處二降伏斷論既有當

生明非斷滅 論如來所有漏盡至婆羅門等 演
日十漏盡智業文亦有二知自無疑二了他未得假名
羅漢 論是名如來十力作業 演日後惣結之 論云
何如來十力次第 演日六次第門文分為二先徵後釋

瑜伽師地論義 卷第十九 第七張

註字

此初也 論謂諸如來至一切十力 演日後釋之中文分
為二先彰顯得後明次現此初也 論顯證得已至方
現在前 演日後明次現三門分別此初文二先標後辯
此初也 論謂諸如來至無倒因果 演日後辯之中
文分為二先辯後結辯中有四一彰現初力二次起自

業三次起靜慮四次生餘七此初先起處非處力何以
然者以立無倒正因果故 論既觀察已至所有善業
演曰二次起自業謂處力後便起如來自業智力何以
然者為令有情離諸惡業修諸善業令得可愛勝
異熟故 論次起靜慮至如實之道 演曰三次起靜
慮依自業後便起靜慮等持智力何以然者為令有
情得離欲故 論次起所餘至離欲之道 演曰四次生
餘七文分為二初標後釋此初也謂從定後便起餘之
七智力也 論謂於此中至離增上慢 演曰後釋餘
七出離次第於中有六一起根力觀出離者根勝劣故

二起勝解力謂觀意樂知勝解故三起界智力觀其種
姓勝劣不同如因差別而開誘故言隨眠者即種子也
種即界也四起遍趣力令修習人得趣入故五起宿念
及生死力如次遠離常斷見故六起漏盡力文中有二
初明起慢後明離慢謂初修者定力伏故煩惱不行便
謂不作而能作煩惱未盡謂盡名增上慢今由諸佛
漏盡智力達知一切盡與未盡故令彼慢悉皆捨離
論是名十力一門次第 演曰後結之也 論復有異
門十力次第 演曰第二門釋文復分三初標次釋後
惣結之此初也 論謂諸如來至妙法住智 演曰次釋

之中文分為二章初四力二指後同前初中文四處
非處力謂初成佛便起處力何以然者為自觀察緣

瑜伽師地論義海卷第十九

第廿八

五

生法中妙法住故法謂果法住謂因也觀緣起法果住
於因因能起果因果相起名為妙法智能了法名法
住智論即依如是至修證差別 演曰二起自業力謂
處力後便起業力何以然者為觀在家五欲拘繫起
三世業各差別故 論如是觀察至一切世間 演曰三靜
慮智力文分為二先標後辯謂自業後便起靜慮等
持智力何以然者令出家者有所歸依得救護故論

既觀照已至其心趣入 演曰根勝劣力謂靜處後便起
根力何以然者令所化根各隨勝劣而趣入故 論次
後如前至次第應知 演曰二指後同前後之六種同
初門釋故不復言 論是第二門十力次第 演曰後
結之也 論復有異門十力次第 演曰第三門釋分
之為三初標次釋後總結之此初也 論謂諸如來
至緣生法界 演曰次釋之中文分為二先辯前三
後明餘七前三分三二處非處力謂成佛後最初發
起處非處力何以然者為欲觀察一切緣起性故界
者性也 論次起自業至色類諸果 演曰二自業智

力謂覈力後起自業力何以然者觀諸衆生自造諸業自受諸果非餘梵天冥性神我能作受矣論如實觀察至而教授之演曰三靜慮智力謂業力後便起靜慮等持智力何以然者為發神通令諸有情脫衆苦故論既教授已至解脫衆苦演曰後明餘七文中有二初指前同後令脫苦論是第三門十力次第演曰後總結之論云何如來十力差別演曰七差別門文分為二初標徵起後隨標釋此初也論謂此十力至亦無差別演曰後隨釋中文分為二先指後釋釋中又三初標次辯後結此初標也論覈非覈

至有何差別 演曰後辯之中文分為九隣次相望二

句對明有九差別一業力業力對文分為二先徵後辯

此先徵云業力業力何差別耶 論若正了知至業智

力故 演曰後辯差別分之為二先明業力後明業力

二智俱能了因感果名無差別初觀善惡感愛非愛

次觀善惡自作自受非由我等別有作受故差別也

論若正了知至等至智力故 演曰二業力定力對文

分為二先明業力後明定力知諸有情自修靜慮自

能證入餘非修者而不能入名自業力智依靜慮起三

神變化利有情名靜慮力前定業力二無差別後習
等持與自業別思之可知論若正照取至根勝劣智
力故演曰三定力根力對文復為二初明定力後明
根力依定了知信等差別名為定力知根品類差別
不同名為根力二俱知根力無差別前由依定後則不
然名有差別言照取者了知分別差別名也論若正
照取至勝解智力故演曰四根力勝力對文中有二
一辯二差別二逐難重釋此初復二先明根力後明勝
力知根及意名為根力但知意樂名為勝力二俱意樂
名無差別前正知根故為別也論即彼意樂至所有

意樂 演曰二逐難重釋勝解意樂文復為二先標
後辯辯中有六義類不同復分三對一世間出世間對
那羅延者此云力士二遠近清淨對望佛菩提名遠
近故據位說者地前為遠地上為近漸漸轉勝亦上
品故三現法當來對易證難證有差別故分為二也
論若正照取至界智力故 演曰五勝力界力對文復
為二一明差別二重明界力此初文二先明勝力後明
界力俱觀於種名無差別第五照種知因勝起第六
照種品類不同名差別也 論又即彼界至所有種

子 演曰二重明界力文中有二先標後釋釋中有
四文顯可知 論若正了知至行智力故 演曰六界力
趣力對文復為二先明界力後明趣力俱觀行跡名無
差別第六觀界種類差別第七觀跡染淨不同故二
別也 論若如實知至念智力故 演曰七趣力念力
對文分為二先趣行力後念智力俱了前際名無差
別第七了因第八了行名有差別 論若正了知至
死生智力故 演曰八念力死力對文分為二初明念
力後明死力俱了生死名無差別前後際異說為別
也 論若正了知至漏盡智力故 演曰九死力盡力

對文分為二先明死生力後明漏盡力俱知自事名無
差別受生證滅二類不同故說為別 論當知是名至
亦無差別 演曰後結之也 論如來所有至應知其
相 演曰第四明四無畏文有其二標宗指說二依
經辯相此初標宗指如經說 論謂諸如來至而自稱
歎 演曰二依經辯相文分三 一明無所畏二辯無增
減三明所為人初復分二明無畏要二辯無畏相初
中又二惣標要相二別示其法此初惣標於其四要
自稱歎也 論謂所知障至是第一要 演曰二別示法
中文分為四一正等覺無畏依要雙斷二障名正等覺

聲聞不尔名為不共 論諸煩惱障至是第二處

演曰二明漏盡無畏處 論為求解脫至第三處

演曰三出苦道無畏依處出離道者無漏道也能

越眾苦名為出離 論即於能出至第四處 演曰四

明離障法無畏依處法能為出離道障名得為

礙故說障法應當遠離名離染無畏 論如來既於

瑜伽師地論義演卷第十九 第三十一張 孟 字呈

至自稱歎已 演曰二辯無畏相文分為四一結前自歎

二他起謗詞三對治難相四得無所畏此初也 論次

後他於至而興謗難 演曰二他起謗詞文分為二初

依自利起前二謗後於利他生後二難初中復二先
於正覺而起謗心後依漏盡生後難意初於正覺起
謗心者見佛有時問諸比丘乞食得不天雨等耶便
起謗言既稱正覺無所不知今問於他一何相返後依
漏盡生起難云佛於執日常起愛言天受之徒便生
呵責貪嗔未滅漏豈盡耶未盡言無豈扶正理 論
復於後二至而興謗難 演日後於利他生後二難二難
文二初微出苦後難障生微出苦云阿羅漢有時或被
捶打囚繫所拘或蛇蝎毀傷惡人所害佛言出苦豈
不相違難障生云佛言染障必當遠離給孤長者妻

妾不無鹿母夫人子生甚衆深若為障何得聖耶若
不障之何須制斷論謂於世間至如實因相 演曰
三對治難相文中有二一舉所對人二辯能治相謂於
所對四類衆中如來自能於前四難二之中能破邪
難盡底無遺何以然者都無見有真實道理難解
惑故 論由是因緣至都無驚懼 演曰四明無所畏
見難無由名為無畏何以然者有三所以一心無怯劣
二無所疑慮三無有驚懼以三義故通前四難皆得無
畏也通初難者問乞食等顯悲深故令喜進修問天
雨等彰事審諦為後軌摸非不知問通第二難夫良

醫者應病所施違順之藥藥雖違順俱能愈疾佛
投物性而示愛憎因愛憎言俱得出離非漏不盡而
起愛憎通第三難永無當累名為出苦非言現質
衆苦皆云現酬曾因有苦無失或苦已盡而不有之異

瑜伽師地論義演卷第十九 第廿二張 孟字號

令衆生捨苦因故通第四難云障道有二礙生見道
謂分別惑二礙離欲道欲界俱生初果入見分別惑
亡既未離欲有妻何失障法名同體全異也問無畏
體何若智等為體如論應知 論又佛大師至利他行
滿 演曰二辯無增減文中有二謂標及釋釋中有二

初明自利後辯利他謂前二種於難善通自除謗
行名自利滿後之二種於他難處妙除疑網名利他滿
由斯二處二利行圓所以不增亦無減也 論此中如
來至諸有情故 演曰三明所為人文分為二一正明
所為二會釋違文初中有三一歎等覺令諸菩薩
趣佛菩提二稱漏盡令諸二乘得應果故三雙歎後二
普令二乘得出苦根及障法故 論如是如來至菩
薩之言 演曰二會釋外難外有難言後二通為三乘
說者何故大乘唯言菩薩小乘經中言為著聞故今
會之文復為二一據本經言三乘通為二顯後集法於

大小藏而乎除之非是本來作此說矣 論如來所有
至應知其相 演曰第五明三念住文分為二一標宗
說有二引教辯成此初標宗指經說有三念住相
論謂諸如來至如實隨住 演曰二引教辯成文分為
二一明念住相二彰無增減初中有三一明利物意二彰
無雜染三顯由念力此初利物之意如何能令得如實
轉故雜經云起大悲心為諸弟子宣說法要汝等當
知此能利益此安樂等 論如是長夜至不生雜染
演曰二彰無雜染物依教行名之為遂彼不從命名
為不遂合遂不遂即為第三如來於初不起貪喜次

不起真後俱不起名為離染 論由三念住略所顯故

演曰三顯由念力謂由三種念住力故故於遂等貪恚

瑜伽師地論義演卷第十九第廿三張 孟字

不生名無雜染 論此三念住至第三衆 演曰二明無

增減文復分三謂標徵釋釋中有三三衆如次不起貪

恚及二或癡所對之徒既唯三衆故立念住更無增減

此三體者對法論云定慧為體五十七云非根所攝即

以無貪無嗔無癡為體 論如來所有至應知其相

演曰第六辯三不護文分為二一標宗說有二引教辯

成此初也 論謂諸如來至之所顯示 演曰二引教

辯成文分為二一正明行相二對辯有無此初也護謂
藏也三業有過憂他所知故須藏護今佛三業有過
憂他所知故須藏護三業清淨無非無過覆之名三
不護體准對法定慧為性約相引生而出體故論諸
阿羅漢至鄙惡所作演曰二對辯有無文分為二一
示他非二彰自德此示他非顯有藏護論如來於此至
或向他說演曰二彰自德而有無護文有三節一明無
有過二是故下誠物無憂三所謂勿下舉所憂事顯
有無也論當知如來至無量無上演曰第七明佛大
悲指前所明尋之可悉然體對法定慧為性五十七中

無嗔癡性至文當知 論云何如來無忘失法 演曰第
八明無忘失文分為三先徵次辯後結此初也 論謂諸
如來至無忘失法 演曰次辯之中文分為二初惣標舉
後別示之此初復二舉能記人二標所憶事所言如者
如謂如實謂化生時隨宜方便順理契物名為如故 論
所謂如來至常住正念 演曰後別示之謂於四處常
生正念名無忘失 論當知是名無忘失法 演曰後結
之也此體對法定慧為性五十七言此體如力即慧為
性 論云何如來永害習氣 演曰第九永害習氣分
為二先徵後釋此初也 論謂諸如來至永害習氣 演

曰後釋之中文復為二明佛無習二辯小有之此初也
如言論時美言廉語名煩惱作無染心發名習氣作今
悉除盡名為永害 論諸阿羅漢至所起作業 演
曰二辯小有之煩惱雖盡習氣猶存故於事中似生
染相所以畢蘭陀聖每生憤意等皆是餘習非實染
生故大小乘勝劣全別此體即以煩惱盡處擇滅無為
為其體也諸教不同如後當會 論云何如來一切種妙
智 演曰第十明種妙智文分為二先徵後釋此初也
論謂諸如來至無義聚法 演曰後釋之中文分三段

一標智境二明智體三結智名初中有三一標二徵三列
三聚如次善及不善并無記法皆是種妙所知境界
論當知此中至一切種智 演曰二明智體文分為二初
明種智後明妙智初中又二釋及結也釋中有三謂此
三境攝諸法盡名一切種於此種中智無倒知名為種
智 論若諸如來至如來妙智 演曰後明妙智於唯
善中正能通達名為妙智二智誰本後耶種智後
得妙智通之可知 論即於此中至種妙智 演曰三結
智名合為一也 論如是一切至不共佛法 演曰第四
惣結百四十種皆是如來不共法也 論即於此中至

極善清淨 演曰二辯因果別文分為二一據位辯明
二問答分別初中復二明相好二明力等此初也謂
從堯率降下人中住最後身最後滿位所得相好
障染皆除名極清淨 論若時菩薩至金剛喻定

演曰二明力等文復為二一明方便二明證得此初也
謂居道樹最後位時得金剛心斷諸障盡剎那之
後能證菩提十力智圓名極清淨此乃亦名等覺位
也 論從此無間至悉為無上 演曰二明證得文分為

三初獲十力後證轉依此初也言從此者此金剛也言

頓得者佛位勝德一時得也謂從金剛等覺心後剎
那之際便階佛位妙覺智圓十力頓成名極清淨
論由得此故至得如來地 演曰後證轉依文分為二先
明智德後明斷德此初也依躔發者惣標智用思惟滿
等別辯智能於中復二思圓滿顯緣法義自利行圓
二辯意車明利他滿利他之意如車運物名意車也
論一切在實至當知有上 演曰後明斷德文別有三
一明斷德二明無上三揀餘非 論問一切安住至此二
差別 演曰二問答分別文分為二初問後答此初也
論答至當知亦尔 演曰後答之中文復分二初辯後

結辯中有八前之五喻明智差別後之三種辯身心
別智別五中又即為五證性障差喻智障種現有無
異故二淨修心地喻心如畫師無不皆成淨修未修義即
全別三癡闇有無喻隨障有無觀異論故四洞達親踈
喻證理淺深有遠近故五智障有無喻翳障既差見
亦異也後辯後三身心異中復分三段一蒙胎生起喻因
身果身有差別也二覺心未覺喻等覺妙覺義差
別也三類燈明闇喻喻因果心明闇異也初一辯身後
二辯心義類不同故分三種 論是故當知至有大差
別 演日後結之也 論如是如來至一切佛事 演目

三彰成佛事分為三段初惣標舉次別徵釋後惣結之此初也論云何名為至若增演曰次別徵釋文分為四一問二荅三徵四釋此初二也論何等為十至所能成辦演曰三徵四釋釋中有十二現身生信事依諸相好能成辦故二隨根授依事依四清淨能教授故三利用除疑事依於十力方成辦也四摧他立自事

瑜伽師地論義演卷第十九第廿六張

孟字号

依四無畏而建立故五雜染心無事依三念住成清淨故六自言所作事依三不護所成立故七觀察世間事謂依大悲俯垂救故八常無退捨事無忘失法所建立

故九儀範無違事永害習氣之所立故十揀擇宣陳
事依種妙智而成辨也 論如是如來至說不能盡
演曰後惣結之文復分二初惣結前後彰數廣 論如
是所說至名為建立 演曰二建立不共文復為二先
明建立後明不共初文有四一標二徵三釋四結此初也
論何以故 演曰二徵詰也 論依此住此至一切義
利 演曰三釋之中文分為二一依此住下建立菩薩
名為建立二建立有情一切義利名為建立初中復
二一建立正學二建立所證言依此者依如來住言住
此者如來住此前所標住由佛住地為所依故希彼

果證方有證修故住佛地名為建立三建立有情切
義利物者佛德既圓後須利物利依佛起名為依此論
是故說此名為建立 演曰四結之也 論又此一切至不
共佛法 演曰後明不共文中有二初釋後結釋中二
番此約利他以明不共文復分二謂釋及結 論又於
如是至名為不共 演曰第二番釋唯佛獨圓名為不
共文中亦一二乘不得二菩薩未滿唯佛獨圓名
為不共 論當知此中至是不共義 演曰後惣結之
論如是圓滿至名菩薩地 演曰辯菩薩地前三持
中第五惣結文復為二結釋地名二勸物持說初中

文二結本地名二別彰異号初文又二二結地名二彰地學道及道果理實於前三種持中二因行皆名為道當有所證名之為果論具說一切至實依處故演曰二彰地學道及道果是菩薩藏真實依處故

增修問地論義演卷第十九 第卅七張 孟字号

名為地論又此菩薩至智淨根本演曰二彰異号号中有四一摩怛理迦釋云本母本母出生一切義故二名攝大乘具能苞含深妙理故三開示二路世間名壞出世非壞世法有漏可破壞義名之為世墮在中故說名為間無漏勝法超過世事名為不壞此教能明故

名開示四名智根本是諸勝智之所生因名為根本
論若諸所有至等無有異 演曰二勸物持說文分
為四一標二徵三釋四結此標勸持為物宣說 論何
以故 演曰二徵起也 論此菩薩地至當速滅沒
演曰三釋之中文分為二初順後違文顯可悉 論是
故於此至無量無邊 演曰四惣結也

瑜伽師地論義演卷第十九